

Latgalīšu kulturys goda bolva „Boņuks 2014”

Nūlykums

Latgalīšu kulturys goda bolva teik taiseita ar mierki apkūpuot lobuokū padareitū i lobuokuos nūtikšonys pārnejā godā, gūdynuot aktivuokūs Latgolys kulturys puorstuovus, popularizātuojus, veicynuot jaunradis i kulturys daudzveideibys atteisteibu iz prišku.

Projekta ideja i mierki

Veicynuot latgalīšu kulturvidis saglobuošonu i atteisteibu. Apkūpuot i gūdynuot spylgtuokūs i nūzeimeiguokūs sasnāgumus latgalīšu kulturā pārnejuo goda grīzumā.

Reikuotuoji

Latgolys viestnīcība GORS sadarreibā ar bīdreibom „Kukuži” i „Latgolys Producentu Grupa”.

Nominaceju pretendenti

Fizisks voi juridisks personys, kas sovā darreibā i jaunradē sagloboj, atteista i popularizej latgalīšu kulturu, lītoj latgalīšu volūdu i atbilst kaidai nu nūlykumā minātūs nominaceju.

Bolva teik daškiera par spylgtu, kvalitatīvu, sabīdriski nūzeimeigu, sabīdreibys i profesionaļu atzineibu dabuojušu darbeibu voi jaunradi kulturys laukā 2014. godā.

Nominacejis

- Godā cylvāks kulturā;
- Godā nūtikšona;
- Par myuža īguļdejumu latgalīšu kulturys atteisteibā;
- Par latgalīšu volūdys populariziešonu;
- Godā amatnīks/saiminīks;
- Godā snāgums vizualajā muokslā;
- Godā snāgums skotuvis muokslā;
- Godā snāgums audiovizualajā muokslā.

Godā bolvys muzykā:

- Lobuokais snāgums pop/rock muzykā;
- Lobuokais snāgums šlagermuzykā;
- Lobuokais snāgums tautys muzykā;
- Lobuokais snāgums alternativajā muzykā;
- Lobuokais snāgums akademiskajā muzykā;
- Lobuokais muzykys video;
- Godā debeja muzykā;
- Radejis hits.

Goda bolvys literaturā:

Lobuokuo proza;
Lobuokuo dzeja;
Lobuokais izdavums/gruomota;
Goda debeja literaturā.

Vyspuoreji nūsacejumi

Vīna persona voi personu grupa var tikt dasaceita vairuokom nominacejom.

Gadejumā, ka kaidai nu nominaceju nav dasaceiti koč 3 pretendenti, par tū bolva nateik daškiera.

Žurejai, sasprīžūt sovā vydā i bolsojūt par sovu sprīdumu, ir tīseibys guoduot par kaidys nominacejis nādaškieršonu voi kaidys bolvys daškieršonu kluotyn.

Nominaceju skaidrojumi

Bolvai „**Goda cylvāks kulturā**” var dasaceit personu, kas pārnejā godā davuse īviereibys cīneigu īguļdejumu latgalīšu kulturys, sabīdriskuos dzeivis i volūdys atteisteibā, uzturiešonā i populariziešonā.

Bolvai „**Goda nūtikšona**” var dasaceit sevkuru kvalitatīvu, īviereibu dabuojušu sabīdrisku pasuokumu, projektu, kas nūtīcs pārnejā godā ar mierki saglobuot, uzturēt, popularizēt latgalīšu kulturu, kulturvidi, volūdu i tml.

Bolvai „**Par myuža īguļdejumu latgalīšu kulturys atteisteibā**” var dasaceit sevkuru fizisku personu, kas ilgā laika periodā snāguse nūzeimeigu īguļdejumu latgalīšu kulturys, dzeiviszinis, volūdys uzturiešonā, atteisteišonā, populariziešonā.

Bolvai „**Par latgalīšu volūdys populariziešonu**” var dasaceit fizisku voi juridisku personu, kas 2014. godā sovā darbeibā (publikacejis, akcejis, nūtikšonys, izdevnīceiba, kulturizgleiteiba i c.) populariziejuse, saglobuojuse i atteistiejuse latgalīšu volūdu.

Bolvai „**Goda amatnīks/saiminīks**” var dasaceit fizisku voi juridisku personu, kas sovā saimnīciskajā darbeibā snāguse nūzeimeigu īguļdejumu latgalīšu kulturys, dzeiviszinis, tradiceju i volūdys atteisteibā.

Bolvai „**Par goda snāgumu vizualajā muokslā**” var dasaceit fizisku voi juridisku personu, kas 2014. godā paruodejuse spylgtu, augši nūvārtātu snāgumu vizualajā muokslā (izstuožu, pleneru, meistardarbneicu organiziešona, daleiba izstudiōs, pietnīceiba, publicistika i tml.).

Bolvai „**Par goda snāgumu skotuvis muokslā**” var dasaceit fizisku voi juridisku personu, kas 2014. godā paruodejuse spylgtu, kvalitatīvu, sabīdriski nūzeimeigu, augši nūvārtātu snāgumu skotuvis muokslā (teatris, deja, koncertizvadums i tml.).

Bolvai „**Par goda snāgumu audiovizualajā muokslā**” var dasaceit fizisku voi juridisku personu, kas 2014. godā paruodejuse spylgtu, kvalitatīvu, sabīdriski nūzeimeigu, augši nūvārtātu snāgumu audiovizualajā muokslā (kinys, mutimedēju projekti, televizejis, audio i video materiali i c.).

**Dasokūt pretendentus nominacejom ir juoaizpīlda dasacejuma anketa (nominacea, pretendents, dasaceituoja kontaktinformaceja, aproksts leidz 2000 zeimu). Pi anketys kluotyn juodalik materiali, t. sk. publikacejis, recenzejis, audio i video materiali i c.*

Muzyka *

Bolvai „**Lobuokais snāgums pop/rock muzykā**”, „**Labuokais snāgums šlagermuzykā**”, „**Labuokais snāgums tautys muzykā**”, „**Labuokais snāgums alternativajā muzykā**” i „**Labuokais snāgums akademiskajā muzykā**” var dasaceit audio īrokstu, albumu, cytu snāgumu atbilstūšu īprišķ nūsauktim žanrim, kas taiseits i atruodeits publiski 2014. godā.

Bolvai „**Lobuokais muzykys video**” var dasaceit 2014. godā taiseitu i publiski atruodeitu muzykys video.

Bolvai „**Goda debeja muzykā**” var dasaceit sevkuru personu, muzykalu apvīneibu, kas 2014. godā ir izdavuse muzykalu skaņdorbu, sataisejuse video voi ītrakstējuse albumu, oficjalajai muzykalajai darbeibys pīredzei naruorsnādzūt treis godus.

Nominacejis „**Radejis hits**” rezultati tiks nūsaceiti, jemūt vārā bīdeibys „Latvijas Izpildītāju un producentu apvienība” (LalPA) īdūtūs Latvejis radeju datus par 2014. godā vysu vaira atskānuotajom latgalīšu kompozicejom.

** Dasokūt pretendentus nominacejom muzykys sadaļā, vālams īdūt muzykalū materialu īroksta veidā:
dzīsmem – .mp3, .wav formatā,
video - .avi, .wmv, .mp4 voi cytys lobys kvalitatis video fails,
albumam – CD, MC, vinila voi cyta veida izdūtuo materiala originals.*

Literatura*

Bolvai „**Lobuokuo proza**”, „**Lobuokuo dzeja**”, „**Lobuokais izdavums/gruomota**” var dasaceit dorbus, kas padareiti, publicāti 2014. godā.

Bolvai „**Goda debeja literatūrā**” var dasaceit autoru, kas pārnejā godā radejs i publiciejs sovu dorbu (oficjalajai darbeibai kai literarajam autoram naruorsnādzūt treis godus).

** Dasokūt pretendentus nominacejom sadaļā „Literatura”, bytu labi īdūt literarū materialu izdrukavuota, elektroniska faila voi gruomotys formā.*

Pretendentu dasaceišonu dora juridisks, fizisks personys voi personu grupys. Dasacejumu skaitam rūbežu nav.

Nominaceju dasacejumus leidz 12. janvaram var īsyuteit elektroniski (pa adresam bonuks@rezekne.lv), kai ari syutūt pa postam (posta štempējs 9. janvars): Dasacejums Latgalīšu kulturys goda bolvai „Boņuks 2014”, Latgolys viestnīceiba GORS, Pīls īla 4, Rēzekne, LV 4601, Latveja.

Viertiešona

Bolvom dasaceitūs dorbus, tūs autorus, autoru grupys viertēs īprišķ sataiseita komiseja, kurys dalinīkim ir ilga profesionala pīredze, dorbojūtīs kotrā nu nominaceju kategorijom. Kotrai nominacejai teik taiseits atšķireigs komisejīs sastuovs.

Gadīnī, ka kaisi nu komisejīs dalīnīku ir saisteits ar kaidu nu nominaceju vai rūnās interešu konflikts, jis/jei napīsadola konkretuos nominacejīs kandidatu izvērtiešonys procesā.

A�bolvošona

Piec komisejīs viertejuma apkūpuošonys teik paziņuotys nominacejīs i nominanti.

Latgalīšu kulturys goda bolvu sajiemieji teik paziņuoti svineigajā bolvu padūšonys ceremonejā Latgolys viestnīceibā GORS 2015. goda 22. februārī.

Sasazynuošonai:
bonuks@rezekne.lv, 26387783